



Remaja dibawa ke Mahkamah Majistret Kuala Kangsar, semalam.

(Foto L Manimaran/BH)

Remaja didakwa bersubahat kes rogol

Kuala Kangsar: Seorang remaja perempuan dihadapkan ke Mahkamah Majistret, di sini, semalam, atas dua pertuduhan bersubahat membabitkan jenayah rogol masing-masing secara individu serta berkumpulan, pada pertengahan bulan lalu.

Berdasarkan kertas pertuduhan pertama, remaja berusia 16 tahun itu didakwa bersubahat dengan Muhammad Azeem Abdul Rahman, 20, Mohamad Ariff Haikal Arapin, 21, dan seorang remaja lelaki berusia 17 tahun 9 bulan dengan cara membenarkan dan menyebabkan seorang remaja perempuan berusia 15 tahun 11 bulan dirogol.

Perbuatan itu dilakukan di rumah tidak bernombor di Taman Dovenby, Sungai Siput, antara jam 1 hingga 2 pagi pada 14 Julai lalu yang sabit kesalahan

boleh dipenjarakan antara 10 hingga 30 tahun.

Bagi kertas pertuduhan kedua, remaja perempuan itu didakwa bersubahat dengan Afiq Yan Muhammad Farid Yan, 20, dengan cara membenarkan dan menyebabkan mangsa sama dirogol di sebuah rumah di Jalan FELDA Lasah, Kampung Pulau Mentimun, Sungai Siput antara jam 1 pagi hingga 2 pagi pada 17 Julai lalu. Jika sabit kesalahan, boleh dipenjarakan hingga 30 tahun serta sebatan.

Bagaimanapun, tertuduh mengaku tidak bersalah atas kedua-dua pertuduhan itu yang dibaca di hadapan Majistret Nurul Asyifa Redzuan.

Pertuduhan dikendalikan Timbalan Pendakwa Raya, Nur Asmaniza Muhamad dengan tertuduh diwakili dua peguam, Navin Punj dan Mahajoth Singh.